

# U FIKELELA NJHANI “MY COMPLIANCE PROFILE” (MCP) HI KU TIRHISA SARS EFILING

MCP yi nyika vahakelaxibalo nkarhi wo vona xiyimo xa nandzeleriso wa vona wa xibalo tanihleswi swi bohiweke hi SARS ku endlela ku lulamisa nkanandzeleriso wun'wana na wun'wana lowu nga boxiwa. Ku simekiwa ka MCP ku nyika vahakelaxibalo vuxokoxoko byo hlaya bya mayelana na nandzeleriso wa vona wa xibalo no vumba tshaku ra nandzeleriso hinkwawo wa xiyimo lexi humesiweke mayelana na swikombelo swa TCS (xikombiso eka Thendara kumbe vumbhoni bya Nandzeleriso wa kahle wa bindzu na swin'wana).

Swi na nkoka ku vona Xiyimo xa wena xa Nandzeleriso wa Xibalo nkarhi na nkarhi. Leswi swi nga endliwa hi ku olova hi ku tirhisa [SARS eFiling](#). Landzelela magoza lawa ya landzelaka ku vona “My Compliance Profile” ku vona xiyimo xa wena xa nandzeleriso wa xibalo kumbe swivangelo swa leswaku hikokwalaho ka yini u nga landzelerisi xibalo na leswaku u lulamisa njhani nkanandzeleriso.

## Goza 1: Nghena eka eFiling

Nghena eka eFiling hi ku tirhisa vito ra wena ro nghena na phasiwedi. Loko u nga se va eFiler, titsariseli eka [www.sars.gov.za](http://www.sars.gov.za).

U fanele ku va u titsariserile eFiling no va na xikumiwa xin'we xa xibalo [xo fana na Xibalo xa Malinghena, Xibalo xa Mixavo (VAT) kumbe Hakelo-Hi-Ku-Ya-Hi-Muholo (PAYE)] lexi nga tlhonthiwa khale leswaku xi tirha eka phurofayili ya wena ya muhakelaxibalo ku kota ku tlhontha vukorhokeri bya Xiyimo xa Nandzeleriso wa Xibalo (TCS).

## Goza 2: Tlhontha vukorhokeri bya Xiyimo xa Nandzeleriso wa Xibalo leswaku byi tirha

Valawuri va eFiling va mihlangano na vatokoti hi swa xibalo va fanele ku tiyisisa leswaku timfanelo to lulama ti averiwa vatirhisi lava lavaka mfikelelo eka xipfuni xa xiyimo xa nandzeleriso wa xibalo. Ku kuma vuxokoxoko byo hlaya eka ku averiwa ka timfanelo leti, u komberiswa ku languta [“Guide to the Tax Compliance Status Functionality on eFiling”](#).

U fanele ku tlhontha Xiyimo xa wena xa Nandzeleriso wa Xibalo leswaku xi tirha naswona xi tshama xi ri karhi xi tirha. Hetisa xipfuni xa *Merge Entities* ku vona phurofayili leyi heleleke eka swibalo hinkwaswo (loko ku ve u titsariserile ku tlula xibalo xin'we). Loko se u tlhonthile leswaku yi tirha no va u hlanganisile kumbe ku tivisa tinomoro ta wena hinkwato ta rherefense ta xibalo, u ta nyikiwa mfikelelo eka “My Compliance Profile” (MCP) ya wena.

## Goza 3: Langutisa “My Compliance Profile” ya wena

U nga langutisa phurofayili ya wena ya nandzeleriso wa xibalo hi ku hlawula nhlawulo wa menyu wa “My Compliance Profile”.

Xiyimo xa wena xa nandzeleriso wa xibalo xi ta kombisiwa tanihleswi swi kumisiseweke hi SARS ehenhla ka swilaveko swa mune swa nandzeleriso leswi landzelaka:




- **Xiyimo xa Ntsariso** – u fanele ku va u titsariserile no va u hanya eka swikumiwa swa xibalo leswi ku faneleke;
- **Rhumelo wa Mithheriso** – tiyisisa leswaku ku hava mithheriso leyi nga kayivela ku rhumeriwa loko masiku yo pfala eka ku fayila ya hundzile;
- **Xikweleti** – tiyisisa leswaku a wu na xikweleti xin'wana xa xibalo na SARS lexi kayiveleke ku hakeriwa laha malulamiso yo hakela ya nga endliwangiki;
- **Tidokumente to Seketela leti Faneleke** – tiyisisa leswaku a wu tsandzeki ku rhumela vuxokoxoko lebyi komberiseke hi SARS ku suka eka wena.

Leswi hi leswi xikirini xa MCP xi langutekaka ha kona:

## TAX COMPLIANCE STATUS

CLIENT DETAILS	REFRESH STATUS
Client Name:	Last Refreshed: 11/4/2015 2:42:46 PM
Trading As:	
Registration Number:	
Tax Reference:	

SEARCH RESULTS		
<b>MY COMPLIANCE PROFILE</b>		
<b>MY COMPLIANCE PROFILE</b>		
REGISTRATION	Compliant	
SUBMISSION OF RETURNS	Compliant	
DEBT	Compliant	
RELEVANT SUPPORTING DOCUMENTS	Compliant	
 Further Information	 Challenge Status	 How to address non-compliance

Phurofayili leyi nga pendwiwa hi muhlovo yi ta vonaka ku kombisa leswaku u landzelerisa xibalo kumbe e-e.

- **Tshwuka – Timhaka ta wena ta xibalo a ti fambi hi ndlela naswona a wu landzelerisi xibalo**
- **Rihlaza – Timhaka ta wena ta xibalo ti famba hi ndlela naswona wa landzelerisa xibalo.**

Hi ku hlawula tibatheni to kurisa eka tlhelo ra ximatsi ta Registration, Returns Submission, Debt and Relevant Supporting Documents, vuxokoxoko byo hlaya bya mayelana na xiyimo xa nandzeleriso wa xibalo byi ta kombisiwa eka eFiler. Loko u vona batheni yo tshwuka ya nkanandzeleriso wa xibalo, yi kurise ku kota ku vona xivangelo lexi tumbeleke xa mpfumaleko wa nandzeleriso wa xibalo na leswaku xi nga ololoxiwa njhani.

**Swikombo leswi pendwiweke hi muhlovo i nkatsakanyo hinkwawo wa xiyimo xa wena xa nandzeleriso wa xibalo hi mayelana na swilaveko swa nandzeleriso wa wena.**

Ku kuma vuxokoxoko byo hlaya eka magoza lawa, vona [Guide to the Tax Compliance Status Functionality on eFiling](#).

### Xana ndzi endla yini loko “My Compliance Profile” yi ri yo TSHWUKA?

#### Nhlawulo 1: Lulamisa Nkanandzeleriso

Ku kota ku lulamisa mpfumaleko wa nandzeleriso, u nga hlawula xikombo xa xiyimo xa “Non-compliant” ku vona leswaku hi wahi magoza lawa u faneleke ku ya teka ku lulamisa nkanandzeleriso wa xibalo. Hi le tlhelo, u nga lulamisa nkanandzeleriso wa xibalo hi ku tirhisa tichanele na tiphurosese leti nga kona.

#### Nhlawulo 2: Ku tlhontlha xiyimo xa nandzeleriso wa wena wa xibalo

Loko u nga enerisiwanga kumbe u nga pfumelelani na xiyimo xa wena xa nandzeleriso wa wena wa xibalo, u nga seketela leswaku hikwalaho ka yini SARS yi fanele yi kambisisa hi vuntshwa xiyimo xa wena xa nandzeleriso wa xibalo. Leswi swi nga endliwa eka eFiling hi ku tlilika eka “Challenge Status” no nyika nseketelo wa leswaku hikokwalaho ka yini SARS yi fanele yi kambisisa hi vuntshwa xiyimo xa wena xa nandzeleriso wa xibalo. Endzhaku ko rhumela u ta kuma papila ra xikhenso na nomboro ya khesi. Loko u ri na tidokhumente to seketela tanihi vumbhoni bya khesi, u ta kota ku ti rhumela hi ku tirhisa *case work page*.

Xipfuni xa "My Account Enquiries" ehansi ka menyu Xiyimo xa Nandzeleriso wa Xibalo xi ku pfumelela ku langutisa swivutiso swa akhawunti ku katsa na mafambelo ya mirhumelo eka "Challenge Status".

## **Xana u lava ku pfuniwa?**

Bela SARS Contact Centre riqingho eka 0800 00 SARS (7277), kumbe u endzela [rhavi ra SARS](#) ra le kusuhi na wena.